

Numer da naschentschas constant

La Val Müstair salüdess daplüs uffants

DA FLURIN ANDRY / ANR

■ Las fusiuns da cumüns e las restructuraziuns dal territori sun d'importanza per l'avegnir da las regiuns periferas. Il numer da naschentschas in quellas inflenzuarà quist avegnir amo daplü. Regiuns pitschnas e periferas sun amo plü dependentas co otras regiuns d'avair uffants in abundanza. Quai vala eir per l'Engiadina Bassa ed impusütt la Val Müstair. L'Engiadina Ota ha da cumbatter damain cun mancanza d'uffants. L'interess da gnir qua ad abitar es amo adüna grond. Quants uffants sun nats i ls ultims ses ons in quistas traïs regiuns? Lanr ha discurrü cullas responsablas i ls ospidals regionalis in Engiadina e culla controlla d'abitants dal cumün da Val Müstair.

«Daplüs mortoris co naschentschas»

Daspö ün pér ons nu naschan plü ingüns uffants i l'ospidal regional a Sta. Maria. Las mammas da quista regiun van a parturir plü o main la mità i l'ospidal a Scuol e tschella mità in quel da Samedan. *Patrizia Gross* da la controlla d'abitants dal cumün da Val Müstair sa da quants uffants da la Val Müstair chi's tratta: «L'on passà sun nats o uffants da la Val Müstair, dal 2013 d'eiran quai traïs, dal 2012 set, dal 2011 eir set, dal 2010 nouv e dal 2009 perfin 15 uffants.» Sco ch'ella disch esa stat in quists ultims ses ons be dal 2009 daplüssas naschentschas co mortoris, nempe 15 naschentschas e 14 mortoris: «Perquai spe-raina fich chi detta darcheu ons cun daplüs uffants chi pisseran cha nossa Val haja glieud avuonda eir in avegnir», disch ella.



Intant chi naschan i ls ospidals a Samedan ed a Scuol minch' on circa listess blers uffants variescha quella cifra in Val Müstair ün pa daplü.

(anr) Il Zonta Club Engiadina invida in dumengia, ils 18 schner a Sent ad ün concert dal duo *Beatrice Kunz* e *Vera Geissberger*. Il rechav va a progets inter-nazionalis da Zonta.

Il Zonta Club es ün uschenomnà «Serviceclub» internazional da duonnas chi s'ingaschan pels interess da duonnas e da mattas. Las commembra dal club güdan impusütt là ingio cha mattas ed uffants han dabsögn d'agüd. Il Zonta Club Engiadina es gnü fundà da l'on 2011 sco 23avel club in Svizra ed i l Principadi da Liechtenstein. In dumengia, ils 18 schner a las 17.00 invidan las commembra dal club regional illa baselgia da Sent al concert dal duo *Beatrice Kunz* (flötas) e *Vera Geissberger* (orgel). Ellas sunaran cumposiziuns dad Anna Bon, Carl Philipp Emanuel Bach, John Downland, Gabriel Fauré, Willibald Gluck, Miklos Kocsar, Henry Purcell, Johann Georg Walter e Théodore Dubois. «Melodias cuntschaintas, items e clings da la musica baroca gnaran cumbinats in ün möd alienà da l'orgel e da las flötas piccolo, sopran, flöta f'e saxofon», scrivan las organisaturas. Uschea spordscharan las musicistas ün evenimaint acustic particolar. Il rechav da quist arrandschamait a Sent va a progets da servezzan internazionalis da Zonta: Fistula in Liberia, generaziun libra da HIV in Ruanda e violenza cunter duonnas in 12 pajais. Davo il concert sun tuot ils preschaints invitads in sala cumünala da Sent ad ün apéro riche. L'entrada pel concert cuosta 30 francs, per l'apéro riche 15 francs.

Il concert cun flötas ed orgel in dumengia, ils 18 schner illa baselgia a Sent cumainza a las 17.00. Dovo daja ün apéro riche illa sala cumünala da Sent.

La «Bergschule Avrona» daja daspö 60 ons

Differentas occurrentzas in connex cul giubileum

DA MARTINA FONTANA / ANR

■ La «Bergschule Avrona» sper Tarasp chi ha renom grond ed important fin sur ils cunfins po quist on far festa. Quai in occasiun da seis giubileum da 60 ons. Dürant quist temp s'ha la scoula etablida ad ün'instituzion speciala. «Quist on da giubileum es per nus tanter oter ün motiv da dar ün sguard inavo sün 60 ons lavour pedagogica», disch *Mayk Wendt*, ün dals duos manaders da la scoula chi's rechava sün territori da Tarasp. Ch'el svess s'haja occupà in occasiun da quist giubileum fermamaing culla cronica da l'instituzion e sagra gnü a la conclusiun chi nu s'haja müdàbler dürant ils ultims 60 ons. «Güsta uossa, da quist temp, faina amo adüna las istessas occupaziuns da sport ed evenimaints specials sco chi gnivan fats da seis temp in quist lö», declera'l. E cha quist fat saja bain ün segn positiv, manaja'l.

Daspö tschinck ons «in viadi»

Sco cha Wendt disch es el daspö tschinck ons in viadi per gnir a savair daplü in connex cul giubileum da la «Bergschule Avrona». «Eu n'ha visità scolars chi han frequentà la scoula da noss'instituzion e magisters chi han instrui quia», declera'l. Ch'el haja davo avair fat las retscherchas pudü trar ün bilantsch positiv in quai chi reguarda l'instrucciu pedagogica. «Nus spordschain amo adüna quai chi'd es gnü proponü ed eir vivü avant blers ons in quista scoula», intuna'l. Cha'l program da temp liber d'inviern o eir quel da stà saja restà il listess. Dad ir mincha duos eivnas a far üna tura da skis, da far part al Maraton da passlung engiadinalis, giovar a hockey etc. s'ha tenor el verifichà, per-

quai s'haja mantgnü quistas occupaziuns dürant tuot ils ons. D'instà as vaja a rampagnar, a far turas alpinas ed oter plü. «Quistas occurrentzas, ma eir il far musica etc. fan plaschair a giuenve e vegl e bain a corp ed orma», declera Wendt. Cha tenor sias experienzas fattas dürant ils ultims 11 ons ch'el es partecipà pro la scoula ed intant traïs ons ch'el maina inselb cun *David Brodbeck* quella, s'hanjan in quist connex verifichadas las occurrentzas chi vegnan sportas e nu sajan perquai neir na gnüdas müdadas.

Terapia eir cun agüd dad asens

Ün exaimpel cha Mayk Wendt manzuna es il fat chi ha bod adüna dat asens sün l'areal da la «Bergschule Avrona» a Tarasp. «Quai n'haja rechertschà e vis in documainta veglia», declera'l. Eir hoz daja asens sün l'areal da la scoula. E quai un success: «Eu poss quia dir cha nus vaian üna scolaria chi as dostaiva fermamaing da star sü a bunura per ir a scoula. Quai nu s'ha müdà, neir cun tuot ils sforz cha nus vain fat. Davo tilli vaina dit ch'ella saja responsabla pels asens e ch'ella stopcha la bunura ir a tils pavlar», quinta il manader da la scoula Avrona. In sapechond cha las bes-chas spettan ad ella per survygnir da magliar s'ha il sistem da la giuvna as müdà. «Amo hoz sta'la sü sainza ch'ella stopcha gnir clomada e va a pavlar las bes-chas», declera Wendt. E cha davo avair fat sia lavour pro'l asens giala sco tuot ils oters scolars a scoula.

Müdà s'ha il barat dad experienzas e la rait da communicaziun

«Düraunt ils ons s'han müdadas ed intensivadas las communicaziuns ed ils contacts cun otras scoulas obain cun in-

stituziuns superiuras», disch Wendt. Chi gnia collavrà intensivamaing cul Servezzan psicologic da scoulas dal chantun Grischun, cul Servezzan psicologic per giuvenils o eir cun l'Uffizi per scoulas e sport chantunal e tuot las otras instituziuns pertoccas in qualche möd culla scoula. «Quists fats s'han müdats dürant ils ons, sun però contacts chi s'han dats perquai cha'l temp ed il möd da viver s'han müdats», intuna'l. Cha quist saja però ün svilup cha'l temp maina cun sai e chi fetscha eir bain, manaja'l.

Pel mumaint vegnan instruits 19 scolars

Dals 19 scolars chi vegnan pel mumaint instruits illa «Bergschule Avrona» sun be traïs na oriunds dal chantun Grischun. «Quist es ün'excepziun», disch Wendt. Cha normalmaing deriva plü o main la mità dal Grischun e tschella mità dad oters chantuns. «Uossa pudaina perfin scolar a quatter uffants oriunds da l'Engiadina», disch el e manaja cha quai nu saja normalmaing uschè. Cha dürant ils ündesch ons ch'el s'ingascha per la scoula saja quista la prüma vouta ch'el scolars indigens frequentant la scoula. «Quists fats demuossan illa regiun ed eir il chantun meglder co fin quia e quai es bain alch bun», intuna'l. Il giubileum dals 60 ons «Bergschule Avrona» vain festagi dürant tuot quist on. «Puncts culminants daja per mai mincha mais danövmaing», disch Mayk Wendt. Cha quels puncts as preschaintan in fuorma da referats da perits cuntschaints obain cun concerts.


Ulterioras infuormaziuns as survain sulla pagina d'internet: www.bergschule-avrona.ch.

Scoula per uffants cun cuntgnair difficil

La «Bergschule Avrona» es gnüda fundada da l'on 1955 sco scoula regulara privata tenor ils princips pedagogics da Rudolf Steiner. Quella vouta as laiva dar ad uffants da cità, per part our da relaziuns familiaras difficilas, la possibilità da pudair frequentar la scoula in ün ambiant natüral. Quist concept ha gnü success, da maniera cha vers la fin dals ons settanta ha cumanzà la scoula d'Avrona ás concentrar vieplü sün uffants e giuvenils cun difficultats a chasa o in scoula. Uschea s'ha müdada la scoula d'Avrona plan a plan in üna scoula speciala, sustgnüda da l'AI e daspö l'on 1987 eir arcugnuschüda dal chantun Grischun. Vers la fin dals ons 90 s'haja conclus quist svilup culla se-paraziun, ad Avrona la scoula per scolares e scolars cun cuntgnair difficil ed a Scoul la Scoula libra pels oters uffants.



Mayk Wendt (a schnestra) e David Brodbeck mainan la Scoula «Bergschule Avrona» a Tarasp.



Tim Krohn ed Anna Trauffer as prodüan in sonda a Lavin.

FOTO J.KNECHT/DRAMA BERLIN

«Vrenelis Gärtli» illa Vouta a Lavin

■ (anr) Muonds magics i l'lö per cultura a Lavin in sonda saira: L'autur Tim Krohn e la musicista Anna Trauffer invidan quella saira ad üna preleczion litterara cun accumpagnament musical. Vreneli e Melk sun da chasa in muonds singulairs, vadrets bruschan, da tuotta sorts homenins sulvadis e nanins strolics fan lur stucs. In prüma lingua però invainta Vreneli ün'art incredibla: ella giouva ün gö raffinà cun seis amant - e pover Melk nu s'impersögna d'inguotta. Tim Krohn ha s-chaffi sün basa da seis roman ed insembe culla gïunista Anna Trauffer iñ program svergul-giovanità, ingio chi vain quintà, chantà e sunà in maniera ferm quatembræsa. E quai adüna cun quella lingua particular-dialectesca chi fa dvantar uschè unicà la prosa da Krohn. «Chrützgopfer-tammi, das ist Kunst!», resüma üna critica.

L'arrandschamait illa Vouta a Lavin cumainza in sonda, ils 17 da schner a las 20.30. La bar e la chascha drivan però fingià a las 18.30. Quista jada suprenda Sasha Mazzoti cun specialitats culinaricas svizras.